

臺灣文獻

清代福建大員巡臺奏摺

尹全海等 整理

下冊

中央政府管理臺灣歷史文獻叢編



九州出版社
JIUZHOU PRESS



教育部人文社會科學研究項目 (08JA770031) 中期研究成果之一

清代福建大員巡臺奏摺

下冊

尹全海 黃治國 李志堅 蘆敏 吳天鈞 陳錦勝 整理



九州出版社
JIUZHOU PRESS

下 冊 目 錄

閩浙總督程祖洛奏摺（下）	三五—
閩浙總督怡良奏摺	三七七
閩浙總督劉韻珂奏摺	三八二
福建巡撫徐嗣曾奏摺	四一六
福建巡撫王紹蘭奏摺	四二五
福建巡撫孫爾準奏摺	四二七
福建巡撫王凱泰奏摺	四四二
福建巡撫丁日昌奏摺	四四三
署福建巡撫吳贊誠奏摺	四六五
福建巡撫勒方鐸奏摺	四七八
福建巡撫岑毓英奏摺	四八二
福建巡撫張兆棟奏摺	四九八
福建巡撫劉銘傳奏摺	五〇四

第三卷 福建水陸提督巡臺奏摺

福建水師提督王得祿奏摺	五六六
福建水師提督許松年奏摺	五七〇
福建水師提督劉起龍奏摺	五八〇
福建水師提督陳化成奏摺	五八五

福建陸路提督許文謨奏摺.....	五八九
福建陸路提督馬濟勝奏摺.....	六一〇

第四卷 其他巡臺奏摺

欽差大臣沈葆楨奏摺.....	六二四
船政大臣吳贊誠奏摺.....	六八九

附錄一.....	六九七
----------	-----

附錄二.....	七〇一
----------	-----

後 記.....	七〇三
----------	-----

閩浙總督程祖洛奏摺（下）

五二、閩浙總督程祖洛等奏片：委任玉庚署理臺灣府淡水同知

[道光十五年六月十二日]，再，臺灣府淡水同知李嗣業現在告病，業經另題開缺。查有南平縣知縣玉庚年壯才長，幹練有爲，任內並無將屆四叅限滿處分，堪以暫委署理臺灣府淡水同知篆務。據藩、臬兩司會詳，請奏前來。除檄飭遵照外，臣等謹附片具奏，伏乞皇上聖鑒。謹奏。

[硃批]：覽。

五三、閩浙總督程祖洛等奏摺：請以婁雲補授臺灣府淡水同知

[道光十五年閏六月二十日]，閩浙總督臣程祖洛、福建巡撫臣魏元浪稟跪奏：爲海外同知員缺緊要，揀員請補，恭摺奏祈聖鑒事。

竊照福建臺灣府淡水同知李嗣鄴患病，業經題請開缺回籍調理，所遺淡水同知員缺例應在外揀選調補。

查該同知駐紮臺灣極北，南連彰化，北達噶瑪蘭新闢要地，界接生番，地方遼闊，相距郡城六百餘里。該管鎮道每有鞭長莫及之勢，專賴該同知彈壓撫綏，隨機控制，非精明幹練之員，弗克勝任。查定例，應調缺出以對品現任人員調補，如無合例之員，以候補人員題補。又，著有勞績奉旨先盡補用者，無論應題應調應補之缺，悉准先盡酌量補用等語。臣等督同藩、臬兩司在于內地現任同知內逐加遴選，非現居要缺，即人地未宜及有違礙處分，實無合例堪調之員。

惟查有軍功出力，以同知直隸州盡先補用之惠安縣知縣婁雲，年四十五歲，浙江山陰縣人，由監生捐納從九品，分發福建，咨署邵武縣

拏口巡檢。道光六年臺灣北路匪徒焚搶滋事，解餉赴臺，留辦局務，緝獲要犯多名，奉旨以府經歷縣丞陞用，陞補崇安縣星村縣丞，委辦臺灣兵費，報銷出力，奉旨以應陞之缺陞用，陞補惠安縣知縣。道光十二年二月二十四日到任，嗣因臺灣嘉義逆匪滋事，赴臺差委，拏辦南路焚搶匪徒出力，經臣程祖洛會同欽差大臣瑚松額據實保奏，于道光十三年七月十三日欽奉上諭：賞戴藍翎，以同知直隸州盡先補用，現署福州府糧捕通判。該員勤明幹練，果敢有為，辦事亦認真結實。前在惠安縣任內循聲卓著，匪徒斂迹。現在省城委審案件，訊斷俱臻妥協，以之請補臺灣府淡水同知，洵屬人地相宜，與例亦符。合無仰懇皇上天恩，俯念海外要缺，准以婁雲補授淡水同知，于地方實有裨益，如蒙應允。該員係候補同知直隸州請補同知，銜缺相當，毋庸送部引見，並免查叙叅罰，至所遺惠安縣員缺係題缺，容另揀員題補，臣等謹合詞恭摺具奏，伏乞皇上聖鑒訓示。謹奏。

[硃批]：另有旨。

五四、閩浙總督程祖洛等片：金門鎮總兵竇振彪患病請給假，俟假滿即進京陛見

[道光十五年閏六月二十日]，再，臣接據金門鎮總兵竇振彪稟稱，該員前在臺灣軍營感受山嵐濕熱，染患疝氣病症內渡，後適值搜拏草烏匪徒，堵逐夷船，無暇醫治，以致旋愈旋發。本年入夏以來，疝氣大作，痛澈心脾，頭暈耳鳴，精神頓減，詢之醫家稱，須靜心調攝方可就痊，稟請給假兩個月，並委員接署等情。

臣查竇振彪遇事勇往，不避艱險，在閩省水師總兵中最為出色之員，終年在洋督飭巡防，故歷辦出洋為匪及販賣私貨等案由，該鎮所屬員弁拏獲者居多。本年春間，臣因查閱營伍，道經惠安海濱，適該鎮巡洋至彼，登岸來見，詢知近患疝氣，臣曾囑其趕緊醫治，以冀速痊。該

鎮以有名洋盜尚未全數就擒，外國夷船又忽隱忽見，不敢稍貪安逸，督率所屬連獲疊刦巨盜及潛赴夷船，販買私貨奸民多起，積受風霜暑濕，洋中又無醫藥可資，以致病勢加增。現聞其仍力疾出洋，若不委員接署，既恐其照料不足，致有疎虞，且非體恤干員之道。合無仰懇皇上天恩，准其給假兩個月，俾得安心調養。該鎮前因到任已滿三年，奏蒙恩准陛見，經臣以該處緝捕喫緊，遞署乏員，奏請飭令該鎮暫緩北上，仰蒙俞允在案。應俟該鎮假滿，即飭先行陛見京，旋再令回任，所有金門鎮總兵員缺孤懸海外，控制臺澎，非威嚴幹練之員不克勝任。

查有福寧鎮總兵陳步雲老成歷練，長于水務。該鎮本任事務較簡，堪以暫行調署，遞遺福寧鎮總兵員缺。查有甫經引見南回，尚未赴任之銅山營叅將陳國榮堪以委令獲理。再，臣先因陳國榮尚未到省檄委，甫經交卸福寧左營游擊印務，于准陞浙江乍浦營叅將案內，應行引見之黃忠貞暫行代辦，以便陳步雲即赴署任。茲陳國榮業已到省，即飭令前往福寧接獲鎮務，並令黃忠貞領咨赴部，合併聲明，臣謹附片具奏，伏乞皇上聖鑒訓示。謹奏。

[硃批]：另有旨。

五五、閩浙總督程祖洛奏摺：遵旨保舉臺灣協副將黃貴堪勝水師總兵

[道光十五年閏六月二十日]，閩浙總督臣程祖洛跪奏：為遵旨保舉堪勝水師總兵，恭摺奏祈聖鑒事。

竊臣接准部咨，欽奉上諭：現在記名應用水師總兵人員，業經用竣。著兩江、閩浙、兩廣總督各于水師副將內即行遴選堪勝總兵者，保奏一二員，送部引見，候朕記名，以備簡用。該督等統轄全省營伍，平日自當留意真才，用儲干城之選，不得以無員可保，一奏塞責。至所保各員，即著迅速送部引見，毋稍稽遲。欽此。伏思水師總兵為專閩大

員，必得明練水務，嚴整有爲者方堪勝任。臣查閩浙兩省額設水師副將四員，內閩安協副將甫經臣奏請，以准陞澎湖協副將潘世標調補，其澎湖協副將請以艋舺營叅將溫兆鳳陞署，均未奉准部覆。

又，瑞安協副將，前經臣以水師題標中軍叅將楊登俊題請陞補，而楊登俊旋奉簡放廣東順德協副將，所遺瑞安協副將員缺尚未遴補有人。惟有臺灣協副將黃貴一員，年六十二歲，福建閩縣人，由行伍洊陞今職，于道光十年八月任事，歷次出洋追捕盜匪，打仗受傷，蒙恩賞戴藍翎。前于查辦副叅等第案內，經前兼署督臣魏元烺保列一等，于道光十二年冬間伴送琉球國使臣，進京就便給咨，赴部引見，仰蒙召對一次。是年奉旨飭保，堪勝水師總兵人員。臣因渡臺時該員已領咨進京，及其京旋臣又內渡，彼此相左，未經接見。而察訪其平日聲名，水務甚爲熟諳，心地似欠醇謹，是以未敢遽保，經臣據實奏明在案。年餘以來，查其公事尚悉妥協。每遇由臺內渡文武官員，臣留心查詢，無不稱其老成嚴整，督緝認真。本年春間，水師提督臣陳化成渡臺巡查，臣又囑其確加察看。昨據覆稱，該員精力強健，督率有方，從前未免有水師習氣，自陞任副將以來，業已悉改前非，辦事益臻老練等語。

臣查水師人材最爲難得，該員黃貴陞任副將業已五年，臣雖未與接見，而覈其行事，叅以輿論，洵爲明幹可靠。且能知改過，即係有心向上之員，堪勝水師總兵之任。謹遵旨據實保奏，如蒙俞允，再行給咨，送部引見，恭候欽定。

再，該員曾于十二年護送琉球使臣，到京遲延，部議降二級留任，尚未開復，合併聲明，爲此恭摺具奏，伏乞皇上聖鑒訓示。謹奏。

[硃批]：著送部引見。

責任編輯 王守兵
郝軍啟
裝幀設計 李永剛



定 價：980.00圓（全二冊）